

Z A P I S N I K

Sa 8. (osme) sjednice Gradskog vijeća Bihać održane 21.04.2021. godine, (srijeda) s početkom rada u 9 sati i 34 minute u Gradskoj vijećnici Grada Bihaća

Predsjedavajući Gradskog vijeća otvara sjednicu i konstatira da je na sjednici prisutno 24 vijećnika, svoje odsustvo su opravdali Čavkić Jasmin i Uremović Maja.

Predsjedavajući daje zapisnik sa 6. (šeste) redovne sjednice na razmatranje i usvajanje.

Zapisnik je usvojen jednoglasno (24 glasa „ZA“)

Prije usvajanja dnevnog reda Predsjedavajući poziva vijećnika Babić Hasana

Vijećnik Hasan Babić – predsjednik Komisije za izbor i imenovanje

Ističe da je Komisija dobila inicijativu od vijećnika Lipovača Adnana i vijećnice Šeherzade Delić za formiranje zajedničkog Kluba, te da se vijećnica Šeherzada Delić povukla iz razloga tehničke greške u proceduri i s tim u vezi predlaže da se povuče 14. tačka dnevnog reda, odnosno Prijedlog Rješenja o dopuni Rješenja o imenovanju Kolegija GV.

Za današnju sjednicu Gradskog vijeća predložen je sljedeći:

D n e v n i r e d

1. Nacrt Odluke o izgradnji, održavanju, korištenju i upravljanju lokalnim vodovodima i javnim česmama na području Grada Bihaća
2. Prijedlog Odluke o dopuni Odluke o komunalnim taksama
3. Prijedlog Odluke o izmjenama i dopuni Plana lokacija za korištenje javnih površina na području grada Bihaća
4. Prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać, utvrđenih u Budžetu Grada za 2021.godinu
5. Prijedlog Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda
6. Prijedlog Odluke o finansiranju troškova prevoza učenika srednjih škola u Gradu Bihaću za 2021.godinu
7. a) Prijedlog Odluke o utvrđivanju javnog interesa za nepotpunu eksproprijaciju- ustanovljenjem služnosti u svrhu izgradnje elektroenergetskog objekta zračni dalekovod UKB 10(20) Kv dionica TS „Pumpna stanica Kostela“ – TS „Kostela 2“ i izgradnju STS- B 10(20)/0,4 „Kostela 2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać
- b) Prijedlog Odluke o utvrđivanju javnog interesa za nepotpunu eksproprijaciju nekretnina za paralelno vođenje i ukrštanje podzemne niskonaponske mreže „Harmani škola“ sa lokalnom cestom u ulici Bosanskih banova u korist JP Elektroprivreda BiH d.d. Sarajevo, Podružnica „Elektrodistribucija“ Bihać
- c) Prijedlog Odluke o utvrđivanju javnog interesa za nepotpunu eksproprijaciju- ustanovljenjem služnosti u svrhu legalizacije/rekonstrukcije niskonaponske mreže „Ripač 2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać
8. Prijedlog Programa rada i finansijski plan JU“Zavod za prostorno uređenje“ Bihać za 2021.godinu sa:

- a) Prijedlogom Programa obavljanja djelatnosti zajedničke komunalne potrošnje za 2021. g
 - b) Prijedlogom Programa uređenja građevinskog zemljišta za 2021. godinu
 - c) Prijedlogom Programa održavanja, zaštite, rekonstrukcije, izgradnje lokalnih cesta, gradskih ulica i nerazvrstanih cesta za 2021. godinu
 - d) Prijedlogom Programa uređenja i održavanja vodotoka i drugih voda, izgradnje, rekonstrukcije i održavanja vodnih objekata za 2021. godinu
9. Prijedlog Zaključka o davanju saglasnosti na Program razvoja turizma za 2021. godinu
10. Prijedlog Zaključka o davanju saglasnosti na Odluku Skupštine JP „RTV Bihać“ d.o.o. Bihać o raspodjeli neto dobiti za 2019. godinu
11. Trogodišnji plan JP „RTV Bihać“ d.o.o. Bihać za period od 2020. godine do 2022. godine.
12. Prijedlog Zaključka o utvrđivanju vrijednosti obračunske jedinice-boda za obračun komunalne naknade za 2021. godinu
13. Prijedlog Rješenja o konačnom imenovanju direktora Turističke zajednice Grada Bihaća
14. Prijedlog Rješenja o dopuni Rješenja o imenovanju Kolegija GV

Predsjedavajući predloženi dnevni red daje na usvajanje bez 14. tačke.

Predloženi dnevni red usvojen je jednoglasno (26 glasova „ZA“)

Predsjedavajući otvara aktuelni sat.

AKTUELNI SAT

Vijećnica Silvana Behić

Upoznaje vijećnike sa dobrotvornom akcijom „Iftar 2021“ Muslimanskog dobrotvornog društva „Merhamet“ Bihać u kojoj dostavljaju prehrambene pakete javnoj kuhinji povodom mjeseca Ramazana, pritom poziva svoje kolege vijećnike da doniraju 50 KM od vijećničkog paušala ovoj dobrotvornoj akciji.

Vijećnik Hasan Fatkić

Naglašava da zbog novo nastale situacije u Klubu Demokratska fronta podnio je zahtjev za brisanje iz evidencije stranke, te da mu je zahtjev usvojen. Ovom prilikom želi obavjestiti javnost kao i Gradsko vijeće da će od danas u Gradskom vijeću Grada Bihaća djelovati kao nezavisni gradski vijećnik Grada Bihaća. Traži od predsjedavajućeg da sjednice počinju u vrijeme kada su zakazane, a ako nisu izvršene sve pripreme traži da se javi određeno tačno vrijeme početka sjednice kada sve pripreme budu završene.

Vijećnica Elvira Selmanović

Poziva vijećnike da se drže kodeksa, da ne omaložavaju jedni druge i da ne igraju političke igre nego da se fokusiraju na pomaganje Gradu Bihaću i njegovim građanima.

Vijećnik Alen Zulić

Poziva vijećnike da u narednim sjednicama prestanu sa politiziranjem, samopromocijom i nepotrebnim ili nekonkretnim raspravama. Smatra da trebaju biti složni, da pomognu Gradu Bihaću i građanima u vrijeme pandemije.

Vijećnik Edin Felić

Obraća se resornim službama, Gradonačelniku i Ministru policije u vezi problema migranata u Domu penzionera koji prave veliku štetu i odlažu velike količine smeća. Traži da se migranti izmjestu iz Doma penzionera i izmjestu u migracioni centar na Lipi, te da se zgrada očisti i zapečati.

Vijećnik Adnan Lipovača

Obraća se direktoru JP Vodovod Bihać u vezi dopisa upozorenja, a kojim su upozoreni vijećnici da ne objavljuju informacija. Naglašava direktoru JP Vodovod Bihać da postoji zakon o zaštiti ličnih podataka, ukoliko direktor JP Vodovod Bihać smatra da je vijećnik Adnan Lipovača prekršio taj zakon može podnijeti agenciji prigovor radi zaštite svojih prava. Naglašava da će na narednoj sjednici Gradskog vijeća tražiti od direktora zakonsko zapošljavanje i uvid u konkursnu proceduru za lica koja su zaposlena.

Vijećnik Halil Bajramović

Traži da se uvede red kad je u pitanju disciplina Gradskog vijeća, isto tako da se uvede i red na kolegiju Gradskog vijeća. Traži da kolegij Gradskog vijeća isto ima tonski zapis kao i sjednice Gradskog vijeća jer je na posljednjem kolegiju Gradskog vijeća doživio neugodnosti.

Predsjedavajući Gradskog vijeća izriče opomenu vijećniku Halilu Bajramoviću zbog zloupotrebe vremena koje je predviđeno za aktuelni sat i poziva sljedećeg vijećnika koji se prijavio za aktuelni sat.

Vijećnica Rusmira Konjević

Naglašava da su zdravstveni radnici koji se bore sa pandemijom poniženi od strane vlasti i ovom prilikom javno se zahvaljuje svim zdravstvenim radnicima koji iako nemaju uslova za rad obavljaju svoj posao.

Vijećnik Nijaz Malkoč

Poziva Gradonačelnika kao organizatora obilježavanja značajnih datuma da se bolje organiziraju takve prigode, da se područja za održavanje značajnih datuma uredi prije početka obilježavanja.

Vijećnik Emir Mujadžić

Traži da Grad Bihać osnuje Krizni stožer za rješavanje problema migranata.

Vijećnik Armin Amidžić

Obavještava vijećnike, da se povodom njegove inicijative danas sjednica prenosi uživo, odnosno snima se demo verzija.

Predsjedavajući zatvara aktuelni sat i otvara sat za pitanja i inicijative.

VIJEĆNIČKA PITANJA

Vijećnica Elvira Selmanović

1. Na 7. sjednici GV tražila je odgovore na vijećnička pitanja koje je postavila na 5. sjednici a odnosili su se na JP i JU čiji je osnivač Grad Bihać: Koliko su u radni odnos primili radnika u 2020. godini, na koje poslove, jesu li to ugovori o radu zaključeni na određeno ili neodređeno vrijeme i kolike su im bruto mjesečne plate?

Na prvo pitanje sa 5. sjednice postavljeno Gradonačelniku, koje se odnosilo na broj savjetnika, odnosno kolika im je plaća, dobila je nepotpun odgovor te nije zadovoljna odgovorom i traži da joj se odgovor dostavi u pismenoj formi:

2. Traži da se dostavi Ugovor prema kojem je Gradonačelnik Grada Bihaća ustupio Đački dom, organizaciji IOM, pod kojim uvjetima, te ukoliko nema ovaj ugovor traži od službe gradskog vijeća da to traži od IOM-a

3. Da li može Komunalna inspekcija Grada Bihaća naložiti PIO/MIO FBiH, tj. vlasniku građevine Dom penzionera, da objekat zaštiti od ulaska ljudi, na način da se postavi ograda, zazidaju ulazi ili nešto sl., kao i da li se mogu iseliti lica – migranti koji tu borave i da li se može prekršajno kazniti lica koje im je neki dan dovezlo kamion sa drvima i odložilo pred taj objekat, a isto je objavljeno na društvenim mrežama ?

Vijećnica Silvana Behić

1. Pitanje: Projekat izgradnje kanalizacione mreže u MZ Ribić – Orljani je jednim dijelom realiziran, međutim preostali dio, koji još uvijek nije završen stvara veliki problem među mještanima navedene mjesne zajednice, tačnije u Ulici Orljanskih ljljana.

Obzirom da je navedeni projekat pod nazivom „Izgradnja fekalne kanalizacije – Orljani faza II – MZ Ribić – Orljani“ uvršten u usvojeni budžet Grada Bihaća, postavlja pitanje kad će isti biti u postupku Javnih nabavki ?

2. Pitanje: Na autobusnim stajalištima, u cilju zaštite putnika od vremenskih nepogoda, izvršeno je postavljanje nadstrešnica, koje su opremljene klupom i korpom za otpatke . S tim u vezi, postavlja pitanje kad je planirano postavljanje dodatnih nadstrešnica u naseljima kojima su prijeko potrebne, kao što je to u MZ Ribić – Orljani, Kamenica, Pokoj, Jablanska i ostali ?

Vijećnica Rusmira Konjević (svoje izlaganje sa aktuelnog sata je preformulisala u pitanje)

1. Postavlja pitanje, može li se spriječiti besramno ponašanje političara od kojih ovisi poštivanje prava čovjeka na rad i zarađenu platu ?

Vijećnik Nijaz Malkoč (nije dostavio pitanja u pisanoj formi)

1. pitanje za Gradonačelnika Grada Bihaća: Šta je poduzeto po pitanju zgrade za alternativni smještaj odnosno za povratnike koji se nisu vratili na svoja ognjišta, da li je pronađeno zemljište i da li će se graditi zgrada kolektivnog stanovanja?

2. pitanje Gradonačelnika Grada Bihaća i direktoru Zavoda za prostorno uređenje: da li mogu pronaći mogućnost za postavljanje rasvjete u naselju Kostela – Plandište i ulica Buk ?

3. Traži od Direkcije cesta i nadležne službe Grada Bihaća sve podatke oko rješavanja problema oko projekta za proširenje mosta i izgradnje treće trake na području Kostela.

Vijećnik Sulejman Kulenović

Pitanje: zašto nije dobio odgovor na prijedlog izgradnje novog parka Grada Bihaća koji je predložio na 2. tački 5. sjednice Gradskog vijeća i traži da mu se taj isti dostavi.

Vijećnik Hasan Babić

Pitanje Federalnoj Vladi, Gradu Bihaću, Elektroprivredi BiH i Federalnoj direkciji cesta:Koje je sve aktivnosti provodila Gradska uprava na čelu sa Gradonačelnicima po pitanju rekonstrukcije mosta koji povezuje obale Une u naselju Kostela – „Brekovački most“, da li je bilo novčanih transakcija na račun Grada Bihaća namijenjenih za rekonstrukciju – proširenje mosta, gdje je nastao problem i na koji način ga riješiti ?

Vijećnik Hasan Fatkić

1. Traži informacije od direktora Turističke zajednice Grada Bihaća a s obzirom da smo imali lijep projekt „Odmori u Bihaću“ da dostavi sljedeće podatke:

- Koliko je prodano turističkih vaučera i u kojoj vrijednosti u KM

- Spisak privrednih subjekata iz Bihaća koji su ostvarili pravo na subvencije od prodaje turističkih vaučera, s podacima naziv privrednog subjekta, porezni broj, iznos isplaćene subvencije pojedinačno za svaki privredni subjekt u KM.

Također, traži od direktora Turističke zajednice da dostavi informacije o zaposlenicima kako sadašnjim tako i onima koji su radili u Turističkoj zajednici, sa sljedećim podacima: Prezime i ime, stručna sprema i radno mjesto, od kada radi u Turističkoj zajednici, određeno ili neodređeno radno vrijeme

2. Traži informacije od direktora JP Vodovod d.o.o. Bihać da u zakonskom roku dostavi informacije o zapošljavanju za navedeni period od 01.01.2021. i sve do danas. Traži da mu se dostave informacije o zapošljavanju za navedeni period po svim osnovama: zapošljavanje na neodređeno radno vrijeme, zapošljavanje na određeno radno vrijeme, ugovor o djelu, stažiranje u navedenim javnim ustanovama. Informacija treba da sadrži sljedeće podatke:

Prezime (očevo ime) Ime, period zapošljavanja, vrsta zapošljavanja, školska sprema koju posjeduju zaposleni, radna mjesta na koja su zaposleni u važećoj sistematizaciji, ako je bilo zaposlenih da se dostavi i konkursna procedura

3. Pitanje: na sjednici održanoj 23.02.2021.godine, odnosno 5-oj sjednici GV-a, tražio je od Veterinarske stanice Bihać da mu se dostavi izvještaj o dežurstu i prekovremenom radu za 2019. i 2020.godinu, do dan danas nije dobio odgovor i pita da li neko kontroliše rad Veterinarske stanice Bihać ?

Vijećnica Šeherzada Delić

1. Pitanje za direktora Komrada d.o.o. Bihać: Pošto se određenim danima, u našem gradu, prikuplja krupni otpad, a prostor za njegovo odlaganje nije tačno ograničen niti postoji kakva podloška na koju bi se smeće odlagalo, a ni odgovarajuće, namjenske posude za to, molim navedeni naslov, da u što kraćem roku riješi taj, za stanare zgrada gorući problem. Tako se naši sugrađani neće spoticati o komade namještaja bačenih do samog ulaza njihovih zgrada, niti će im biti onemogućen ulaz u iste. Stanari će uživati kvalitetnije stanovanje. Mislim kako smo dostigli određenu civilizacijsku razinu, da je svaki posao te vrste, precizno i adekvatno urađen, na opće zadovoljstvo svojih građana.

Vijećnik Edin Felić

1. Postavlja pitanje resornim službama :Zašto u MZ Izačić do danas nisu završeni, odnosno nisu još uvijek niti započeti radovi na sljedećim projektima:

- Završetak radova na školskoj sportskoj dvorani na Izačiću
- Završetak renoviranja Spomen doma šehidima Izačića
- Asfaltiranje lokalnog „Putu trase 3“

Želi još istaći i slijedeće: Za završetak školske sportske dvorane Izačić su preko Vlade Federacije već prije oko dvije godine obezbijedili potrebna finansijska sredstva u iznosu od 300.000 KM, a za renoviranje Spomen doma šehidima Izačića kao i za asfaltiranje lokalnog „Putu trase 3“ sredstva su obezbijedena Budžetom za 2020.godinu. Za sve ove projekte sprovedene sve potrebne procedure, odabrani su izvođači i sa istima potpisani ugovori.

Vijećnik Halil Bajramović

Traži da mu se dostavi u razumnom roku informacija vezana za kompletan historijat pretvorbe iz poljoprivrednog zemljišta u gradsko građevinsko zemljište a odnosi se na parcelu nekretnine označene kao k.č.br.2098 u površini 264.484 m² k.o.SP_Golubić po novom katastarskom operatu, posjed i vlasništvo Grada Bihaća sa dijelom 1/1.

Moli da uz informaciju putem gradskog vijeća dostavite i kopije dokumenata na osnovu kojih je učinjena pretvorba zemljišta, informaciju o obračunatoj naknadi za pretvorbu, eventualnu uplatu takse ili dokument o oslobađanju iste, kao i dokument u kakvom stanju se nalazi ta

parcela na današnji dan shodno dokumentu službe za imovinsko-pravne, geodetske i katastarske poslove broj: 06/1-31-4010/18 od 19.03.2019.godine.

Vijećnik Zulfikar Handukić

1. Pitanje postavlja nadležnim službama: Pravo na naknadu plaće za vrijeme bolovanja je utvrđeno Zakonom o radu FBiH, ali preciznije odredbe u pogledu toga ko je obveznik isplate naknade plaće za vrijeme bolovanja može se pronaći u Zakonu o zdravstvenom osiguranju („Sl. novine FBiH“, br. 30/97 i 7/02). Prema tom zakonu, naknada plaće za vrijeme bolovanja do 42 dana isplaćuje se na teret poslodavca. Kako postoje indicije da postoji neujednačenost u načinu obračuna kod Organa uprave i javnih ustanova, a koje se isplaćaju na teret Budžeta Grada, moli da mu se dostavi informacija za sve Gradske javne ustanove:

- Kako se obračunava bolovanje do 42 dana,
- Pravilnike o radu i plaćama i naknadama u kojima je regulisan takav način obračuna-dostaviti
- Kako se vršio obračun za radnike koji su bili na bolovanju zbog bolesti Covid 19
- Kako se vršio obračun za radnike koji su se nalazili u izolaciji zbog kontakata sa oboljelom osobom a vodili su se na bolovanju

INICIJATIVE

Vijećnik Adnan Lipovača

1. a) Inicijativa u vezi finansiranja političkih stranaka iz Budžeta grada Bihaća

b) Inicijativa u vezi poslovnih prostora u vlasništvu grada Bihaća, čiji su korisnici političke stranke

Obrazloženje:

Gradski vijećnik Adnan Lipovača poziva sve političke stranke da podrže prijedlog inicijative protiv finansiranja političkih stranaka iz Budžeta grada Bihaća i prijedlog da se poslovni prostori u vlasništvu grada Bihaća koje koriste političke stranke vrate isključivo u nadležnost i pravo raspolaganja gradu Bihaću.

Političke stranke u BiH finansiraju se iz budžeta, a neke i surađujući s kompanijama bliskim vlastima. Smatra kako se novac ne bi trebao izdvajati iz budžeta za finansiranje političkih stranaka nego iz vlastitih članarina. Grad Bihać ima trenutni dug u iznosu od 237.742.KM po raznim dugovanjima. Jedan od dužnika je i Stranka za BiH i ovim putem poziva pravobranilaštvo da podnese tužbu u vezi naplate duga i poziva službu da raskine ugovor s Strankom za BiH o korištenju prostorija. Smatra da se treba vratiti u vrijeme kad je OSCE provodio izbore. Tada su i nezavisni kandidati dobijali određena sredstva, između deset hiljada KM za svoju kampanju i onda se to pretvori u jednu vrstu biznisa, jer se prijavljuje za učešće na izborima isključivo kako bi dobili određena finansijska sredstva. To je možda i trasiralo nekakav put da je politika u BiH najunosnije zanimanje.

Izdvajanja iz budžeta sa svih nivoa vlasti koja se dodjeljuju političkim strankama, koje na godišnjoj osnovi iznosi oko 20 miliona KM, i tu nema nikakve kontrole na što se ti novci troše. S druge strane, ne postoji obaveza političkih stranaka da posluju preko jedinstvenih bankovnih računa što bi omogućilo kompletnu kontrolu.

Smatra da nepotrebno troše novac i imaju pametnijeg posla da ih usmjere u neke korisnije svrhe. Jedna od njih je da osiguramo stipendije za studente, godišnja stipendija u iznosu od 2000 KM, besplatan prijevoz đaka putnika i besplatan vrtić za djecu socijalno ugroženih porodica.

2. Inicijativa:

a) Inicijativa u vezi finansiranja vrtića u Gradu Bihaću i planiranje projekata od 0,5 % u Budžetu Bihaća

b) Inicijativa u vezi promjene zakona o predškolskom odgoju i obrazovanju USK-a sa izdvojenim članovima vezanim za principe i ciljeve koji obezbjeđuju osnova prava djece.

Obrazloženje:

Status Konvencije o pravima djeteta u Bosni i Hercegovini: Konvencija o pravima djeteta koju je prihvatila Opća skupština Ujedinjenih naroda 20. novembra 1989. do sada su ratificirale gotovo sve države svijeta. Taj podatak bjelodano govori o pomaku u društvenoj svijesti o uvažavanju djece i njihovih prava, a istovremeno pruža nadu i za stvarnim poboljšanjem (pravnog) položaja djece u svijetu. Konvencija o pravima djeteta sadrži opsežan skup međunarodnih pravnih normi posvećenih zaštiti i dobrobiti djece.

Ustav Bosne i Hercegovine među svojim odredbama normira da će Bosna i Hercegovina i oba entiteta osigurati najviši nivo međunarodno priznatih ljudskih prava i osnovnih sloboda a prava i slobode predviđene Europskom konvencijom za zaštitu ljudskih prava i osnovnih sloboda i njenim protokolima direktno se primjenjuju u Bosni i Hercegovini.

Temeljom Aneksa i Ustava Bosne i Hercegovine zakonodavni okvir predstavlja i Konvencija o pravima djeteta. Države ratifikacijom Konvencijom preuzimaju odgovornost za zakonodavne, upravne i druge mjere za primjenu prava priznatih u ovoj Konvenciji, a u pogledu gospodarskih, društvenih i kulturnih prava, države stranke poduzet će takve mjere u što širem opsegu svojih raspoloživih sredstava i u slučaju potrebe, u okviru međunarodne saradnje. Da bi Konvencija o pravima djeteta bila primjenjena, te razvojni ciljevi bili ispunjeni, Vijeće ministara Bosne i Hercegovine usvojilo je akcioni plan za djecu Bosne i Hercegovine za period od 2002.- 2010. godine koji je imao cilj jačanje položaja djece u Bosni i Hercegovini.

Provođenje Akcionog plana kao strateškog akta Bosne i Hercegovine usmjerenog na implementaciju ciljeva koji se odnose na prava djece, odnosno na implementaciju Konvencije o pravima djeteta, i ostalih međunarodnih aktova iz oblasti dječije zaštite, odgovornost je vlasti Bosne i Hercegovine i odnosi se na cijeli prostor Bosne i Hercegovine.

„ Predlažemo da Grad Bihać pokrene projekat pod naziv „ Bihać – grad djece“ koji nastaje kao mega-projekt u smjeru osiguravanja najbolji odgojno – obrazovnih uvjeta u privatnim i javnim vrtićima u Gradu Bihaću i standarda za najmlađe sugrađane .

Projekt obuhvata sufinansiranje boravka u vrtićima, izgradnju i/ ili rekonstrukciju svih vrtića bihaćkih ustanova, kao i uređenje igrališta i parkova, te osigurava našoj djeci najbolje i najkvalitetnije uvjete u okviru odgojno-obrazovnog procesa, od vrtića do prvih koraka u osnovnom obrazovanju.

Potrebna projekcija za planirana Budžetska sredstva se mogu procijeniti u visini od 0.5 % što iznosi cca 155.635,89 KM. Smatramo da GV Bihać ima i zakonsku obavezu u vezi planiranja posebnog ekonomskog koda u Budžetu.“

Za realizaciju projekta potrebno uključiti;

1. GRADONAČELNIK GRADA BIHAĆA
2. MINISTARSTVO OBRAZOVANJA U VLADI USK-a
3. GRADSKO VIJEĆE - PREDSJEDAVAJUĆI
4. KLUBOVI POLITIČKIH STRANAKA U GRADSKOM VIJEĆU
5. KOMISIJA ZA OBRAZOVANJE, KULTURU, SPORT I MLADE
6. SLUŽBA ZA OPĆU UPRAVU I DRUŠTVENE DJELATNOSTI
7. SLUŽBA ZA BUDŽET I TREZOR
8. PREDSTAVNICI PRIVATNIH VRTIĆA U GRADU BIHAĆU
9. PREDSTAVNICI JAVNIH VRTIĆA U GRADU BIHAĆU

Vijećnik Armin Amidžić

1. Inicijativa: donošenje Odluke o izradi regulacionog plana razvojne zone u Nacionalnom parku „Una“ od strane Vlade FBiH

Obrazloženje:

Zakon o Nacionalnom parku „Una“ donesen je 2008.godine i reguliše pitanja zaštite, unapređenja i korištenja Nacionalnog parka, upravljanja Nacionalnim parkom, te propisuje mjere za nepoštivanje odredaba Zakona. Zakonom se u Nacionalnom parku „Una“ između ostalog, uspostavljena su područja stroge i usmjerene zaštite i područja usmjerenog razvoja.

Član 6. Zakona o Nacionalnom parku „Una“ zabranjeno je, između ostalog, graditi nove hotele, motele, hotelska i apartmanska naselja, osim u naseljenim područjima koja budu za te namjene određena Prostornim planom posebnih obilježja.

Upravo Prostorni plan u Nacionalnom parku „Una“ odredio je zone stroge i usmjerene zaštite i zone usmjerenog razvoja, odnosno i zonu u kojoj je dozvoljeno graditi neophodne turističke sadržaje poput hotela, motela, parking zona, apartmanskih naselja i ostalih sadržaja koje možemo vidjeti i u susjednom Nacionalnom parku „Plitvička jezera“ i svim Nacionalnim parkovima, a koji su neophodni kako bi se zaokružila cjelokupna ponuda tog iznimnog turističkog.

Za one koji ne znaju, trenutni put Čelije-Štrbački buk, čije asfaltiranje još uvijek željno iščekujemo, ne predstavlja glavni pristup biseru Nacionalnog parka, nego posjetilačku zonu u budućnosti predviđenu za sadržaje poput posjetilačkog vozića i sl. Glavni pristupni put prostornim planom planiran je drugom trasom, upravo do zone predviđene za izgradnju parkinga i ostalih turističkih objekata, što je naravno i logično.

Međutim, šta spriječava da do sada nismo imali niti jedan zahvat u tom prostoru odnosno niti jednu investiciju u dozvoljenoj zoni? Nedostaju nam regulacioni planovi po zonama! Naime, Prostorni plan je predvidio izradu nekoliko regulacionih planova po zonama razvoja u Nacionalnom parku, ali do danas niti jedan od regulacionih planova nije izrađen.

Ko treba pokrenuti proceduru izrade regulacionih planova? Federalno ministarstvo okoliša i turizma FBiH, odnosno Vlada FBiH.

Kako mi je poznato resorna služba Grada Bihaća je u proteklih nekoliko godina više puta pisala inicijative i dopise resornom Federalnom ministarstvu kako bi se pokrenuo proces izrade regulacionog plana bar jedne zone u Nacionalnom parku „Una“ i na taj način otvorila mogućnost intenzivnijeg razvoja Nacionalnog parka, a samim time i veća posjećenost.

Ovom inicijativom želim da stavim u funkciju tog cilja i Gradsko vijeće Grada Bihaća i političke faktore koji imaju utjecaj na Federalnom nivou, kako bi zajedničkim naporima pokušali otkočiti taj proces.

Vijećnik Nijaz Malkoč

Inicijativa: da Krizni štab preispita odluku o zabrani kretanja, da pomjere policijski sat na 23:00 zbog mjeseca Ramazana.

Vijećnik Elvedin Sedić

Inicijativa: izrada elaborata o opravdanosti uspostave službe „Pauk“ pri JKP Komrad d.o.o. Bihać

Obrazloženje:

JKP Komrad d.o.o. Bihać vrši poslove naplate i kontrole parkiranja na svim obilježenim parking mjestima u gradu Bihaću, kao i parkinga u stambenim zonama grada Bihaća. U sklopu poslova naplate i kontrole parkinga JKP Komrad d.o.o. bihać obavlja i poslove blokiranja i deblokiranja vozila. Međutim ono što je primjetno, jeste nedostatak mogućnosti uklanjanja nepropisno parkiranih vozila sa površina koja nisu u nadležnosti JKP Komrad d.o.o. Bihać. Nerijetko se dešava da upravo nepropisno parkirana vozila onemogućavaju prolaz vozilima hitne pomoći, vatrogasne službe i policije, ali i jednostavno onemogućavaju

normalno odvijanje saobraćaja, posebno u onim dijelovima grada Bihaća i ulicama koje svojom širinom jedva da omogućavaju prolaz jednog vozila kada su potpuno slobodne. Zbog svega navedenog smatram opravdanim ispitivanje mogućnosti, odnosno izrade elaborata o opravdanosti uspostave službe „Pauk“ pri JKP Komrad d.o.o. Bihać.

Vijećnik Sulejman Kulenović

Inicijativa: da se obezbijedi prostor za vakcinaciju

Obrazloženje:

Smatram da trenutni prostor u Domu USAOJ-a nije adekvatan, predlažem da se vakcinacija odvija na dvije lokacije, jedna u sportskoj dvorani Tehničkog školskog centra, a druga u Prekounju u sportskoj dvorani Medicinske škole.

Vijećnik Emir Mujadžić

Inicijativa: -RTV Bihać- emisija na sjećanje poginulih boraca – šehida od 1992-1995.godine

Vijećnik Alen Zulić

1. Inicijativa: da Gradonačelnik preko Kolegija Gradskog vijeća a u suradnji sa resornom službom i JKP Komrad d.o.o. kao i gradskom inspekcijom osmisle mjere za sprječavanje bacanja otpada po nenaseljenim i šumskim područjima. Ista inicijativa se odnosi i na održavanje obala rijeke Une u užem području grada.

2. Inicijativa: da se pri Gradskom vijeću oformi tijelo koje će u suradnji sa nadležnom službom osmisliti rješenje za problem pasa lualica ali i onih domaćih koji šetaju po gradu ispred svojih dvorišta pri tom ugrožavaju slobodu kretanja i sigurnost građana.

Vijećnik Halil Bajramović

1. Inicijativa za tematsku sjednicu Gradskog vijeća Grada Bihaća na temu: problematika i novonastala situacija vezano za sagledavanje stanja i uzroka zbog čega ne radi novo izgrađeni prečistač otpadni voda iz KFW projekta.

Obrazloženje:

Opće je poznato da već duži niz godina ne radi novoizgrađeni prečistač otpadnih voda iz nedavne investicije u okviru KFW projekta te da otpadne vode po našim saznanjima izljevaju se direktno u rijeku Unu što je neprihvatljivo nakon investicije od 14 miliona eura u kojoj je pored KFW Banke učestvovao i Grad Bihać svojim sredstvima.

2. Inicijativa za tematsku sjednicu na temu: problematika i novonastala situacija vezano za izgradnju sportske dvorane u Bihaću.

Obrazloženje:

S obzirom da su rokovi izgradnje dvorane značajno prekoračeni, finansijska sredstva udvostručena, smatramo da bi bilo neophodno da se Gradsko vijeće uključi te da mu se prezentira tačno stanje, kako bi se izbjegle veće posljedice.

3. Inicijativa: prijedlog odluke da se u narednom periodu sve tematske sjednice Gradskog vijeća Grada Bihaća ne plaćaju gradskim vijećnicima.

Obrazloženje:

Budući da se nalazimo u sve težoj situaciji zbog pandemije i ekonomskih poteškoća, smatramo da bi bilo korektno od strane gradskih vijećnika da sjednice sa prefiksom „tematske“ održavaju te da se iste u narednom periodu ne plaćaju gradskim vijećnicima Grada Bihaća te da to bude naš doprinos trenutnoj situaciji dok se druga ili drugačija odluka ne donese.

4. Inicijativa za tematsku sjednicu Gradskog vijeća Grada Bihaća na temu: problematika i novonastala situacija vezano za izgradnju Aerodroma Golubić Bihać.

Obrazloženje:

S obzirom na činjenicu da je Gradonačelnik Grada Bihaća na sjednici gradskog Kolegija vijeća Grada Bihaća održanoj u gradskim prostorijama dan 14.04.2021.godine iznio podatak da je Premijer Vlade Federacije Bosne i Hercegovine Fadil Novalić zauzeo stav da neće Vlada Federacije finansirati daljnju eksproprijaciju nekretnina u vlasništvu pravnih i fizičkih lica potrebne za daljnju izgradnju planiranog Aerodroma u Golubiću.

Imajući u vidu da po odluci o utvrđivanju javnog interesa donesenoj na 16.sjednici GV dana 21.12.2017.godine, trenutno nije izvršena eksproprijacija 83% planiranog zemljišta u privatnom vlasništvu i dijelom u vlasništvu Islamske zajednice, te smatramo da je neophodno da se razmatra trenutna situacija i da se uključe svi relevantni faktori uključujući i Vladu USK i Vladu Federacije Bosne i Hercegovine, kao i direktor te Upravni odbor JP Aerodroma Golubić, kao i predstavnike službe za imovinsko-pravne i katastarske poslove.

Sa zaključcima obavezno upoznati i vlasnike zemljišta planiranog za eksproprijaciju.

Vijećnik Asmir Budimlić – poslovnička intervencija

Vijećnik ističe član 95. stav 1. Poslovnika o radu Gradskog vijeća kojim je propisano da vijećnik na jednoj sjednici ima pravo pokrenuti najviše tri pitanja ili inicijative u vremenu do 5 minuta. Traži od predsjedavajućeg da analizira vijećnička pitanja sa današnje sjednice i koliko je podneseno vijećničkih pitanja.

Vijećnica Lejla Bakrač ispred Kluba SBB

Inicijativa u ime mještana MZ Muslići Kamenica: zahtjev za završetak trotoara u MZ Muslići Kamenica, Grad Bihać.

Obrazloženje:

Uvaženi Gradonačelnice, ovim putem Vam se obraćamo sa zahtjevom za koji nije nadležan Grad Bihać, već Federalna direkcija za ceste, te Vas molimo da za ovaj naš prijedlog Vi i naše GV urgirate ka višem nivou.

Prije nekih pet godina menadžment Federalne direkcije za ceste na čelu sa direktorom Filipom Vujevim je boravio u Bihaću. Tom prilikom je Gradska uprava Grada Bihaća se upoznala sa projektima koji bi trebali biti realizirani u periodu od 2015-2019.godine. Jedan od projekata se donosio i na MZ Kamenica-Muslići, a riječ je o nastavku izgradnje pješačke staze u MZ na magistralnom putu M5 u naselju Muslići. Navedeni projekat do danas nije u potpunosti realiziran, ostalo je da se završi cca 100 metara, s tim da želimo napomenuti, da su izvršene sve pripreme radnje, da je izvršeni iskopavanje i postavljanje cijevi, da su iste nasute i poravnate, a što je urađeno prošle godine, te da je ostalo samo još da se položi asfalt i ivičnjaci. O gore navedenim aktivnostima su upoznati Šemsudin Dedić, Federalni ministar poljoprivrede (njegova MZ), Azra Hadžić zastupnica u Predstavničkom domu Parlamenta FBiH, Dedo Pjanić bivši direktor i Hazil Hamulić iz nadzora, te smo zahvaljujući tim ljudima uradili jedan dio posla. Imajući u vidu da asfaltna baza nije aktivna zbog vremenskih uslova, te da se u proljeće kreće sa radovima, a kako se radi o sredstvima koja nisu veliko opterećenje za budžet Federalne direkcije za ceste, molimo Vas da sagledate mogućnost završetka navedenih radova koji su itekako bitni za navedenu MZ jer se radi o jako frekventnoj ulici zbog blizine GP Izačić, kako bi se djeci i učenicima obezbijedio siguran pristup do škole.

Predsjedavajući zatvara sat za vijećnička pitanja i inicijative i otvara raspravu o predloženom dnevnom redu.

Ad.1. Nacrt Odluke o izgradnji, održavanju, korištenju i upravljanju lokalnim vodovodima i javnim česmama na području Grada Bihaća

Izjavitelj – Vildana Zulić – pomoćnik Gradonačelnika za strateško planiranje, upravljanje projektima, komunalne djelatnosti, vode i zaštitu okoliša

Vijećnik Zulifikar Handukić – predsjednik Staturane komisije

Pravni osnov za donošenje Nacrta Odluke o izgradnji, održavanju, korištenju i upravljanju lokalnim vodovodima i javnim česmama na području Grada Bihaća sadržan je u članu 60. stav (2) i (3) Zakona o komunalnim djelatnostima Unsko-sanskog kantona („Službeni glasnik Unsko-sanskog kantona“, broj 4/11, 11/11, 13/12, 14/17), kojim je propisano da općina može posebnom odlukom urediti izgradnju, korištenje, zaštitu, održavanje i upravljanje mjesnim vodovodima, javnim bunarima i javnim česmama i da je dužna preuzeti na upravljanje i održavanje mjesne vodovode, javne bunare i javne česme u roku od pet godina od dana stupanja na snagu navedenog Zakona, članu 16. Zakona o vodama Unsko-sanskog kantona („Službeni glasnik Unsko-sanskog kantona“, broj 4/11), kojim je propisano da se korištenje voda u svrhu snabdijevanja vodom za piće reguliše kantonalnim propisom o komunalnim djelatnostima i općinskom odlukom donesenom u skladu s tim propisom, te članu 35. tačka c) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje. Komisija je prihvatila predloženu Odluku i istu prosljeđuje Gradskom vijeću na razmatranje i zauzimanje konačnog stava uz obavezu provođenja javne rasprave u skladu sa članom 143. Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20).

Vijećnica Lejla Bakrač – zamjenica predsjednika Komisije za finansije i budžet

Komisija za finansije i budžet, podržava stvaranje kvalitetnijih uslova za snabdijevanje građana pitkom vodom sa lokalnih vodovoda, te smo mišljenja da će se to postići predloženom Odlukom, a posebno kada se urade elaborati o kvaliteti vode za lokalne vodovode, odnosno za lokalna izvorišta.

Obzirom da je za realizaciju predložene Odluke potrebno obezbijediti finansijska sredstva u Budžetu grada Bihaća počev od 2022.godine, Komisija istu prosljeđuje Gradskom vijeću, na razmatranje i zauzimanje konačnog stava.

Kako nije bilo prijavljenih za raspravu, predsjedavajući predloženi materijal daje na usvajanje, uz napomenu prije nego što počne glasanje za tačku moraju se u nacrtu navesti dva člana koja će biti u komisiji ispred GV: Predsjednik komisije ispred GV Lejla Bakrač i član komisije ispred GV Zulifikar Handukić.

Nacrt Odluke o izgradnji, održavanju, korištenju i upravljanju lokalnim vodovodima i javnim česmama na području Grada Bihaća usvojen je jednoglasno sa 22 glasa „ZA“

Ad.2. Prijedlog Odluke o dopuni Odluke o komunalnim taksama

Izvjestilac – Vildana Zulić – pomoćnik Gradonačelnika za strateško planiranje, upravljanje projektima, komunalne djelatnosti, vode i zaštitu okoliša

Vijećnik Zulfikar Handukić – predsjednik Statutarne komisije

Pravni osnov za donošenje Prijedloga Odluke o dopuni Odluke o komunalnim taksama sadržan je u članu 12. stav (3) tačka nj) Zakona o lokalnoj samoupravi Unsko-sanskog kantona („Službeni glasnik USK-a“, broj 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave, te članu 35. tačka i) Statuta Grada Bihaća („Službeni glasnik Grada Bihaća“, broj 13/15 i 13/18), kojim je između ostalog, utvrđena nadležnost Gradskog vijeća da donosi propise o porezima, taksama, naknadama i drugim prihodima od interesa za Grad. Komisija je prihvatila predloženu dopunu Odluke o komunalnim taksama i istu prosljeđuje Gradskom vijeću, kako bi obavilo raspravu i zauzelo konačan stav po predloženom materijalu.

Vijećnica Lejla Bakrač – zamjenica predsjednika Komisije za finansije i budžet

Komisija je prihvatila obrazložene razloge predlagача za donošenje dopune Odluke o komunalnim taksama, kako bi i sportski klubovi kao nevladina i neprofitabilna udruženja bili oslobođeni plaćanja takse na istaknutu firmu.

Komisija je stava da je predložena dopuna od općeg interesa, obzirom da sportski klubovi neće biti opterećeni sa dodatnim finansijskim davanjima, te istu prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Adnan Mekić

U svojoj diskusiji vijećnik, između ostalog, naglašava da je ova tačka inicirana od strane Gradskog sportskog saveza i također od klubova koji su tražili uvjerenja o izmirenim obavezama prema poreznoj upravi kako bi mogli aplicirati na projekte koji su objavljeni javnim pozivom, te se ovom prilikom zahvaljuje službi koja je radila ovu Odluku, posebno se zahvaljuje uposlenicima te službe Elviri Hadžić i Silvi Tomljenović Grgić koje su odmah shvatile problem i reagovale na vrijeme, isto tako naglašava da nikada nije neprofitabilnim udruženjima obračunata taksa.

Vijećnik Hasan Fatkić

Između ostalog, podržava ovakvu Odluku, te ističe da je uočio neke nelogične stvari, na primjer u članu 17. Službenog glasnika 4/19 stoji da pravna i fizička lica koja obavljaju samostalnu djelatnost i koja registruju i obavljaju proizvodne djelatnosti su oslobođena plaćanja takse, pa je njegovo mišljenje da bi trebalo pronaći drugačije rješenje za navedenu

odredbu, zatim predlaže da se ukine komunalna taksa koja po njegovom mišljenju nema smisla, a da se pokušaju pronaći i oprihodovati neke druge stvari.

Vijećnica Šeherzada Delić

U svojoj diskusiji vijećnica, između ostalog, smatra da se treba ukloniti taksa uslužnim djelatnicima isto tako smatra da se Grad niti Gradsko vijeće nije potrudilo da pomogne uslužnim djelatnicima u vidu dotacije ili ukidanja tih poreza, odnosno da u ovom vremenu pandemije ne plaćaju taksu.

Vijećnik Elvedin Sedić

Između ostalog, zahvaljuje se kolegi vijećniku Adnanu Mekiću koji je inicirao dopunu Odluke o komunalnim taksama i službi koja je radila ovu Odluku, naglašava da je još na Statutarnoj komisiji naglasio da se odluka ne treba mijenjati ali zbog pogrešnog tumačenja Poreske uprave ova Odluka se mora dopuniti. Naglašava da udruženja građana posebno sportski kolektivi ne obavljaju nikakvu samostalnu djelatnost i zbog toga ne mogu biti obavezni plaćanja komunalne takse. Predlaže da se uz ovu Odluku usvoji i jedan zaključak kojim bi dali u obavezu službi Gradske uprave Grada Bihaća da u narednom periodu sagleda mogućnosti i predloži Gradskom vijeću Izmjene i dopune ove Odluke uz smanjenje ili potpuno ukidanje parafiskalnog nameta u vidu plaćanja komunalne takse za istaknutu firmu.

Vijećnik Emir Mujadžić

U svojoj diskusiji vijećnik, između ostalog, smatra da se privrednici trebaju osloboditi plaćanja komunalne takse, te je demonstrativno pocijepao rješenje komunalne inspekcije za govornicom.

Vijećnik Edin Felić

U svojoj diskusiji vijećnik, između ostalog, smatra da treba osloboditi sportske kolektive plaćanja komunalne takse. Naglašava da se kod ove tačke dotakla tema problema u poslovnom svijetu u kojem živimo. Naglašava da se kod parafiskalnih nameta sudaraju interesi javnog i privatnog sektora. Smatra da bi Država trebala stvarati građanima kvalitetan ambijent za kvalitetnu egzistenciju i život između ostalog i kvalitetan poslovni ambijent ali naglašava da se Država „hrani“ upravo od tih parafiskalnih nameta. Isto tako naglašava kako se ovaj grad ističe da je turistički grad i poziva investitore iz dijaspore, a svoje domaće firme blate na svakom koraku. Naglašava da podržava priču oko donošenja određenih zaključaka i davanju instrukcija odnosno inputa službi. Postavlja pitanje službi da li se ova sredstva uistinu u praksi provode i troše na način na koji su navedeni u Službenom glasniku Bihaća ?

Vijećnik Adnan Lipovača

U svojoj diskusiji vijećnik, između ostalog, naglašava da podržava Odluku. Postavlja pitanje: da li su komunalni inspektori posjetili kladionice u Bihaću i tražili da podnesu zahtjev

za plaćanje komunalnih taksi? Smatra da Odluka o komunalnim taksama prije svega mora ići u doradu, naglašava da u Odluci nije utvrđen kriterij takse za istaknutu firmu jer smatra da ne može jedan obrtnik imati isti kriterij kao državna firma. Smatra da Odluka mora pretrpiti izmjenu i dopunu i da se mora uvesti kriterij za utvrđivanje takse za istaknutu firmu. Također napominje da su obrtnici dali svoje prijedloge o oslobađanju od plaćanja naknada. Moli predsjedavajućeg da prije glasanja predloži pauzu od 5 minuta.

Izjavitelj – Vildana Zulić, daje pojašnjenja

Nakon provedenih rasprava, predsjedavajući traži pauzu od 10 minuta radi usaglašavanja oko zaključka koji je predložio vijećnik Elvedin Sedić.

Predsjedavajući, iznosi usuglašen

ZAKLJUČAK

Traži se od Gradonačelnika grada Bihaća da u roku od 60 dana dostavi Gradskom vijeću informaciju o mogućnostima smanjenja takse na istaknutu firmu u iznosu od 50% od već utvrđene visine takse odnosno mogućnostima njenog potpunog ukidanja, te na koji način bi se smanjenje odnosno ukidanje reflektiralo na budžet Grada Bihaća.

Predsjedavajući predloženi materijal uz predloženi zaključak daje na glasanje.

Prijedlog Odluke o dopuni Odluke o komunalnim taksama sa zaključkom kojim se od predlagača traži da u roku od 60 dana od održavanja sjednice dostavi traženu informaciju usvojen je jednoglasno (21 glasom „ZA“)

Ad.3. Prijedlog Odluke o izmjenama i dopuni Plana lokacija za korištenje javnih površina na području grada Bihaća utvrđenih u Budžetu Grada za 2021.godinu

Izjavitelj – Vildana Zulić – pomoćnik Gradonačelnika u Službi za strateško planiranje, upravljanje projektima, komunalne djelatnosti, vode i zaštitu okoliša

Vijećnik Zulfikar Handukić – predsjednik Statutarne komisije

Pravni osnov za donošenje Prijedloga Odluke o izmjenama i dopuni Plana lokacija za korištenje javnih površina na području grada Bihaća sadržan je u članu 21. alineja đ) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj 8/11), kojim je propisano da Općinsko vijeće u okviru svojih nadležnosti, između ostalog, donosi Plan o korištenju javnih površina na području općine, te članu 35. tačka c) i n) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje, te donosi plan korištenja javnih površina. Nakon razmatranja predložene Odluke, Komisija traži od

predlagača da u članu 1. tačka c) postaje tačka b), te se dodaje novi naslov pod tačkom 2) koji glasi: "Postavljanje montažno demontažnog objekta", i uslovi lokaliteta „A“ mijenjaju tako da glase: „Lokalitet „A“, Ul. Mehmedalije Maka Dizdara, Lokacija broj 2, Montažno-demontažni objekat, dimenzija 10,00 x 4,10 m prema situaciji terena“. Komisija prosljeđuje predloženu Odluku Gradskom vijeću, na razmatranja i zauzimanje konačnog stava.

Vijećnica Lejla Bakrač – zamjenica predsjednika Komisije za finansije i budžet

Nakon razmatranja predložene Odluke, Komisija je istu prihvatila, obzirom da za realizaciju ove izmjene nisu potrebna dodatna finansijska sredstva, ali će se njenom primjenom neznatno prihodi povećati, odnosno naknadom za korištenje javne površine. Komisija prosljeđuje predloženu Odluku Gradskom vijeću, radi obavljanja rasprave i zauzimanja konačnog stava.

Vijećnik Ahmed Fatkić

U svojoj diskusiji vijećnik, između ostalog, postavlja pitanje izvjetiocu da li se predmetni kiosk u ul. Mehmedalije Maka Dizdara nalazi u skladu sa Odlukom Gradskog vijeća iz 2018.godine ?

Izjesticilac – Vildana Zulić, daje odgovor na pitanje vijećnika

Naglašava da se kiosk i dalje nalazi tu, da nije uklonjen, te da dalje plaća zakup javne površine.

Nakon provedenih rasprava, predsjedavajući predloženi materijal daje na glasanje.

Prijedlog Odluke o izmjenama i dopuni Plana lokacija za korištenje javnih površina na području grada Bihaća utvrđenih u Budžetu Grada za 2021.godinu usvojen je sa 25 glasova „ZA“, 1 glas „PROTIV“ i nitko „SUZDRŽAN“

Ad.4. Prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać

Izjesticilac – Dario Jurić, šef Odsjeka za društvene djelatnosti

Vijećnik Zulfikar Handukić –predsjednik Statutarne komisije

Pravni osnov za donošenje Prijedloga Odluke o raspodjeli sredstava za sufinansiranje manifestacija od značaja za Grad Bihać s Tekućeg granta sufinansiranje manifestacija od značaja za Grad Bihać, utvrđenih u Budžetu Grada za 2021.godinu, sadržan je u članu 10. Odluke o značajnim datumima, događajima i ličnostima od značaja za Grad Bihać, kao i način njihovog obilježavanja („Službeni glasnik Grada Bihaća“, broj 2/18), kojim je propisano da će Grad Bihać sufinansirati obilježavanje značajnih datuma, događaja i ličnosti za Grad Bihać

prema raspoloživim sredstvima koja se planiraju u Budžetu Grada Bihaća za tekuću godinu odnosno da Gradsko vijeće, na prijedlog Gradonačelnika Grada Bihaća, donosi odluke o raspodjeli sredstava koja su namijenjena za finansiranje i sufinansiranje značajnih datuma, događaja i ličnosti za Grad Bihać, ta članu 35. kk) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće, između ostalog, donosi pojedinačne i druge akte iz samoupravnog djelokruga u skladu sa zakonom i Statutom. Komisija prosljeđuje predloženu Odluku Gradskom vijeću, na razmatranje i zauzimanje konačnog stava.

Vijećnica Lejla Bakrač – zamjenica predsjednika Komisije za finansije i budžet

Komisija za finansije i budžet jednoglasno je prihvatila obrazloženje predlagača Odluke, a također i način raspodjele sredstava za sufinansiranje manifestacija od značaja za Grad Bihać. Obzirom da je za njenu realizaciju obezbijeđen iznos od 55.000 KM u Budžetu Grada Bihaća za 2021.godinu, ekonomski kod 614311, a što je u skladu s Odlukom o značajnim datumima, događajima i ličnostima od značaja za Grad Bihać kao i način njihovog obilježavanja, Komisija istu prosljeđuje Gradskom vijeću, na razmatranje i zauzimanje konačnog stava.

Vijećnik Adnan Lipovača

U svojoj diskusiji vijećnik, između ostalog, pita izvjestioca da potvrdi da li će biti uplaćeno 2000 KM za manifestaciju Una regate i 1000 KM za skokove sa gradskog mosta ? Pohvaljuje i daje podršku sajmu Eko-bis i smatra da će to biti pokretač za privredni razvoj grada Bihaća, a samim tim podržava kompletan program JU Kulturni centar Bihać. Naglašava da za manifestaciju Sevdah fest je mali iznos od 3000 KM i moli Gradonačelnika ukoliko su mogućnosti u Budžetu da se ova stavka poveća minimalno na 5000 KM.

Nakon provedenih rasprava, predsjedavajući predloženi materijal daje na glasanje.

Prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać usvojen je sa 21 glasom „ZA“ nitko „PROTIV“ i 4 glasa „SUZDRŽANA“

Ad.5. Prijedlog Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda

Izvjestilac – Dario Jurić, šef Odsjeka za društvene djelatnosti

Vijećnik Zulfikar Handukić – predsjednik Statutarne komisije

Pravni osnov za donošenje Prijedloga Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda sadržan je u članu 37. Zakona o socijalnoj zaštiti, zaštiti civilnih žrtava rata i zaštiti porodice sa djecom

(„Službeni glasnik USK-a“, broj 5/00, 7/00 i 11/14), kojim je propisano da se propisima općina može proširiti krug korisnika prava iz socijalne zaštite, te članu 35. tačka c) Statuta Grada Bihaća („Službeni glasnik Grada Bihaća“, broj 13/15 i 13/18), kojim je, između ostalog, utvrđena nadležnost Gradskog vijeća da u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Nakon razmatranja predložene Odluke, Komisija traži od predlagača da u članu 16. utvrdi od kojeg datuma počinje primjena predložene Odluke. Komisija prosljeđuje predloženu Odluku Gradskom vijeću, kako bi o istoj obavilo raspravu i zauzelo konačan stav.

Vijećnica Lejla Bakrač – zamjenica predsjednika Komisije za finansije i budžet

Nakon razmatranja predložene Odluke, Komisija je istu prihvatila, obzirom da su obezbijedena finansijska sredstva za njenu realizaciju u Budžetu grada Bihaća i da su korisnici socijalno ugrožena lica. Komisija prosljeđuje predloženi materijal Gradskom vijeću, radi obavljanja rasprave i zauzimanja konačnog stava.

Kako nije bilo prijavljenih za raspravu, predsjedavajući predloženi materijal daje na glasanje

Prijedlog Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda usvojen je jednoglasno sa 24 glasa „ZA“

Ad.6. Prijedlog Odluke o finansiranju troškova prevoza učenika srednjih škola u Gradu Bihaću za 2021.godinu

Izvjestilac – Dario Jurić, šef Odsjeka za društvene djelatnosti

Vijećnik Zulfikar Handukić – predsjednik Statutarne komisije

Pravni osnov za donošenje predložene Odluke sadržan je u članu 12. stav (3) tačka l) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj 8/11), kojim je propisano da u vlastite nadležnosti jedinica lokalne samouprave posebno spadaju, između ostalog: ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima jedinice lokalne samouprave i u članu 35. tačka jj) Statuta, kojim je propisano, da Gradsko vijeće, između ostalog, osigurava finansijska sredstva za unapređenje obrazovanja. Nakon razmatranja predložene Odluke, Komisija je prihvatila istu i upućuje je Gradskom vijeću na razmatranje i zauzimanje konačnog stava.

Vijećnica Lejla Bakrač – zamjenica predsjednika Komisije za finansije i budžet

Nakon razmatranja predloženog materijala, Komisija za finansije i budžet je jednoglasno prihvatila obrazloženje predlagača o razlozima za donošenje predložene Odluke,

te obzirom da su za realizaciju iste obezbijedena sredstva u Budžetu Grada za 2021.godinu, Komisija istu prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Adnana Lipovača

U svojoj diskusiji vijećnik, između ostalog, smatra da su se u proteklom periodu finansirali svi đaci putnici i naglašava da su od Centra za socijalni rad dobili podatke o socijalno ugroženim porodicama i upravo će finansirati te đake putnike. Naglašava da bi volio da su inicijativu kod obrazovanja razradili u toj mjeri da su i vrtiće gradske i privatne mogli staviti u ovu istu Odluku. Izražava svoje nezadovoljstvo radom direktora JU Centar za socijalni rad, odnosno na ne odgovaranje na njegovo pitanje: koliko ima ugroženih porodica u gradu Bihaću? Mišljenja je da se treba naći podrška, odluka i ljubav prema našoj djeci da se pokušaju iznaći sredstva za njihov prvi odlazak u vrtić. Ističe da je natalitet u gradu Bihaću u padu i poziva vijećnika Kulenovića za govornicu jer smatra da može više reći o demografskim podacima.

Vijećnik Edin Felić

Između ostalog, naglašava da će podržati ovu Odluku, ali isto tako izražava svoje nezadovoljstvo što nisu realizirali određene njegove prijedloge za finansiranje svih đaka putnika. Naglašava, kao primjer da MZ Golubić ne podliježe ovoj Odluci i smatra da se u narednom periodu ova Odluka treba doraditi, te uključiti ove prigradske Mjesne zajednice. Naglašava da je u ovoj godini bila manja potreba za kupovinom đачkih karata zbog pandemije djeca nisu išla u školu, pošto se nastava odvijala putem interneta. Nadopunjava se na mišljenje vijećnika Lipovače u vezi nataliteta grada Bihaća i smatra da treba vidjeti kako stoji situacija u gradu Bihaću. Naglašava da u 2017.godini su izdvojili 314.000 KM za đake putnike, u 2018.godini 288.000 KM, u 2019.godini 180.000 KM, dok je u 2020.godini 54.000 KM, izražava sumnju da će u ovoj godini izdvojiti znatno više sredstava u odnosu na prošlu godinu iz razloga što još uvijek traje online nastava.

Vijećnik Dinko Bećirspahić

U svojoj diskusiji vijećnik, između ostalog, naglašava da kod diskusije vijećnika Felića da je očekivao amandman za izmjenu ove Odluke da se i finansiraju svi đaci putnici a isto tako naglašava u vezi dotaknute teme nataliteta grada Bihaća da je u prošlom sazivu na jednoj sjednici postavio pitanje koliko na području grada Bihaća ima upisanih novorođenčadi koji ostaju u BiH, koliko ima upisanih koji idu iz BiH i koliko ima upisanih u knjizi umrlih. Naglašava s obzirom da je član Upravnog odbora Pedagoškog zavoda USK istakao je da ima 8 srednjih škola na području grada Bihaća. U 2018.godini je bilo 2751 srednjoškolaca a u 2020.godini je bilo 2459 srednjoškolaca, što znači da u jednoj godini 292 srednjoškolca manje. Ističe da je za period od 6 godina manje 1100 srednjoškolaca. Kada je u pitanju osnovno obrazovanje naglašava da imamo 10 škola i u odnosu na 2019/2020.godina je

manjak 259 osnovnoškolaca. Zabrinjavajuće je da učenici u toku svog školovanja napuštaju BiH odnosno odlaze sa svojim porodicama. Traži da se napravi pauza od 10 minuta da se predloži da se sufinansira prijevoz svim đacima, a da se razliku u sredstvima obezbijedi putem rebalansa Budžeta.

Vijećnik Edin Felić – replika

U svojoj replici, vijećnik, naglašava da je subvencija svim đacima putnicima bila Odlukom stranke SDA koja je bila u većini 2016.godine u Gradskom vijeću i naglašava da je „naredna većina napravila ove stvari koje je napravila“. Ističe da je tražio od Ministarstva obrazovanja koliki je broj đaka putnika i da se napravi komparacija sa 2020-tom godinom. Naglašava da je u diskusiji rekao da će se rebalansom promijeniti ova Odluka

Vijećnik Sulejman Kulenović

Između ostalog, odgovara na poziv vijećnika Lipovače i naglašava da ne može govoriti o demografskim podacima bez tačne statistike jer to bi bilo neodgovorno isto tako naglašava da podaci o natalitetu i mortalitetu se mogu dobiti na zahtjev Gradskog vijeća od Zavoda za statistiku.

Vijećnik Adnan Lipovača – replika

Naglašava da je mislio na podatak, koliko je bilo rođenih beba u prošloj godini.

Vijećnica Šeherzada Delić

U svojoj diskusiji vijećnica, između ostalog, naglašava kao profesorica u srednjoj školi da svake godine sve je manji broj upisanih đaka srednjoškolaca isto tako naglašava da je od 2014.godine za manje 2000 upisanih đaka odnosno grad Bihać je izgubio 2000 đaka koji su napustili BiH. Smatra da rješenje problema napuštanja građana BiH treba ići sa državnog nivoa i polako se spuštati prema Općinama.

Vijećnik Edin Bašagić

U svojoj diskusiji vijećnik, između ostalog, smatra da je potrebno za sve đake putnike obezbijediti prevoz kao prijašnjih godina i da će od iduće godine kada bude usvajan Budžet pokušati realizirati takvu odluku kako bi i na taj način pokušali uticati na smanjenje odlaska roditelja i njihove djece.

Vijećnik Armin Amidžić

U svojoj diskusiji vijećnik, između ostalog, smatra da se Odluke koje se donose vezane za djecu i đake u gradu Bihaću trebaju donositi prije planiranja i donošenja Budžeta i treba se odreći nekih projekata i stati iza projekata vezanih za djecu i đake.

Vijećnik Hasan Fatkić

U svojoj diskusiji vijećnik, između ostalog, naglašava da je lijepo što se govori o finansiranju svih đaka putnika ali trebaju voditi brigu o Budžetu kojeg su usvojili i njegovim opširnim stavkama. Naglašava da je prevoz učenika u nadležnosti Ministarstva obrazovanja USK, smatra da u budućnosti trebaju razmatrati da li trebaju finansirati sve đake putnike i odreći se nekih projekata da se dadne prednost ovom projektu. Naglašava da se trebaju držati Budžeta a u budućnosti da planiraju neke druge stavke.

Vijećnik Adnan Mekić

U svojoj diskusiji vijećnik, između ostalog, smatra da se treba voditi računa barem po pitanju Budžeta. Naglašava da se slaže ako se budu razmatrale Odluke vezane za djecu i đake i ako treba da se neki projekti izbace da ovi projekti imaju prednost, neka tako i bude i naglašava da ako se te Odluke donesu da to treba biti javno i transparentno, te da bude u okviru Budžeta.

Vijećnik Ahmed Fatkić

Između ostalog, smatra da ova Odluka nema veze sa Budžetom jer u Budžetu ne piše da li je sufinansiranje socijalno ugroženim đacima ili svim đacima, mišljenja je da na vijećnicima da procjene da li sa tim sredstvima planiranim u Budžetu mogu obuhvatiti sve đake ili samo socijalno ugrožene i smatra da se sredstvima iz Budžeta mogu finansirati svi đaci putnici, te predlaže pauzu da se pripremi amandman.

Izvjestilac – Dario Jurić, daje pojašnjenja

Nakon provedenih rasprava, predsjedavajući predloženi materijal daje na glasanje.

Prijedlog Odluke o finansiranju troškova prevoza učenika srednjih škola u Gradu Bihaću za 2021.godinu usvojen je jednoglasno sa 25 glasova „ZA“

Ad.7.

a) Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta zračni dalekovod UKB 10(20) Kv dionica TS „Pumpna stanica Kostela“ – TS „Kostela 2“ i izgradnju STS-B10(20)/0,4 „Kostela 2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać

b) Prijedlog Odluke o utvrđivanju javnog interesa za nepotpunu eksproprijaciju nekretnina za paralelno vođenje i ukrštanje podzemne niskonaponske mreže „Harmani škola“ sa lokalnom cestom u ulici Bosanskih banova u korist JP Elektroprivreda BiH d.d. Sarajevo, Podružnica „Elektrodistribucija“ Bihać

c) Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu legalizacije/rekonstrukcije niskonaponske mreže „Ripač 2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać

Izvjestilac – Ediba Velić- šef Odsjeka za imovinsko-pravne poslove

Vijećnik Zulifikar Handukić – predsjednik Statutarne komisije

Pravni osnov za donošenje predloženih Rješenja sažan je u članu 14. stav (4) Zakona o eksproprijaciji („Službene novine Federacije BiH“, broj 70/07, 36/10, 25/12 i 34/16), kojim je propisano da Odluku o utvrđivanju javnog interesa za izgradnju objekta ili izvođenje radova na području grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, te u članu 35. tačka c) i j) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje odnosno donosi odluke o upravljanju i raspolaganju imovinom Grada.

Komisija traži od predlagača da u prijedlogu Odluke pod b) uskladi naziv Odluke i tačku I sa nazivom Odluke u aktu izvjestioca. Komisija je prihvatila predložene Odluke i iste prosljeđuje Gradskom vijeću, na raspravljanje i zauzimanje konačnog stava.

Vijećnica Lejla Bakrač – zamjenica predsjednika Komisije za finansije i budžet

Obzirom da su za realizaciju predložene Odluke obezbijeđena finansijska sredstva od strane korisnika eksproprijacije JP „Elektroprivreda BiH“ d.d. Sarajevo, Podružnica „Elektrodistribucija“ Bihać, Komisija istu prosljeđuje Gradskom vijeću, radi obavljanja rasprave i zauzimanja konačnog stava.

Kako nije bilo prijavljenih za raspravu, predsjedavajući daje predloženi materijal na glasanje.

a) Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta zračni dalekovod UKB 10(20) Kv dionica TS „Pumpna stanica Kostela“ – TS „Kostela 2“ i izgradnju STS-B10(20)/0,4 „Kostela 2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać

b) Prijedlog Odluke o utvrđivanju javnog interesa za nepotpunu eksproprijaciju nekretnina za paralelno vođenje i ukrštanje podzemne niskonaponske mreže „Harmani škola“ sa lokalnom cestom u ulici Bosanskih banova u korist JP Elektroprivreda BiH d.d. Sarajevo, Podružnica „Elektrodistribucija“ Bihać

c) Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu legalizacije/rekonstrukcije niskonaponske mreže „Ripač

2“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać usvojene su jednoglasno sa 19 glasova „ZA“

Ad.8. Prijedlog Programa rada i finansijski plan JU“Zavod za prostorno uređenje“ Bihać za 2021.godinu sa:

- a) Prijedlogom Programa obavljanja djelatnosti zajedničke komunalne potrošnje za 2021. g***
- b) Prijedlogom Programa uređenja građevinskog zemljišta za 2021.godinu***
- c) Prijedlogom Programa održavanja, zaštite, rekonstrukcije, izgradnje lokalnih cesta, gradskih ulica i nerazvrstanih cesta za 2021.godinu***
- d) Prijedlogom Programa uređenja i održavanja vodotoka i drugih voda, izgradnje, rekonstrukcije i održavanja vodnih objekata za 2021.godinu***

Izvjestilac – Ademir Toromanović, direktor JU“Zavod za prostorno uređenje“ Bihać

Vijećnik Zulfikar Handukić – predsjednik Statutarne komisije

Pravni osnov za donošenje naprijed navedenih Programa za 2021.godinu sadržan je u članu 14. tačka g) Odluke o osnivanju Javne ustanove „Zavod za prostorno uređenje“ Bihać – prečišćeni tekst („Službeni glasnik Grada Bihaća“, broj 7/15) kojim je, između ostalog, utvrđeno da Gradsko vijeće Bihać, usvaja ili daje saglasnost na programe i planove iz člana 8. Odluke o osnivanju JU „Zavod za prostorno uređenje“ Bihać i članu 35. tačka h) Statuta Grada Bihaća („Službeni glasnik Grada Bihaća“, broj 13/15 i 13/18), kojim je, između ostalog, utvrđena nadležnost Gradskog vijeća da donosi programe.

Pravni osnov za donošenje prijedloga Programa održavanja, zaštite, rekonstrukcije i izgradnje lokalnih cesta, gradskih ulica i nerazvrstanih cesta za 2021.godinu sadržan je u članu 25. stav (2) Zakona o cestama Federacije Bosne i Hercegovine („Službene novine Federacije Bosne i Hercegovine“, broj 12/10, 16/10 i 66/13), kojim je propisano da na godišnje planove i programe za lokalne ceste i gradske ulice, koje donosi gradonačelnik, saglasnost daje Gradsko vijeće, te članu 14. tačka g) Odluke o osnivanju Javne ustanove „Zavod za prostorno uređenje“ Bihać – prečišćeni tekst („Službeni glasnik Grada Bihaća“, broj 7/15) i članu 35. tačka c) Statuta Grada Bihaća („Službeni glasnik Grada Bihaća“, broj 13/15 i 13/18). Nakon razmatranja predloženih materijala, Komisija je iste prihvatila obzirom da su metodološki usklađeni odnosno finansijska sredstva za realizaciju programa planirana u Budžetu Grada Bihaća za 2021.godinu. Komisija prosljeđuje predložene materijale Gradskom vijeću, kako bi o isti obavilo raspravu i zauzelo konačan stav.

Vijećnica Lejla Bakrač – zamjenica predsjednika Komisije za finansije i budžet

Komisija je prihvatila predložene programe, obzirom da su obezbijeđena sredstva za njihovu realizaciju u Budžetu Grada Bihaća, te Komisija prosljeđuje predložene Programe Gradskom vijeću, radi obavljanja rasprave i zauzimanja konačnog stava.

Kako nije bilo prijavljenih za raspravu, predsjedavajući predloženi materijal daje na glasanje.

Prijedlog Programa rada i finansijski plan JU“Zavod za prostorno uređenje“ Bihać za 2021.godinu sa:

- a) Prijedlogom Programa obavljanja djelatnosti zajedničke komunalne potrošnje za 2021. g***
 - b) Prijedlogom Programa uređenja građevinskog zemljišta za 2021.godinu***
 - c) Prijedlogom Programa održavanja, zaštite, rekonstrukcije, izgradnje lokalnih cesta, gradskih ulica i nerazvrstanih cesta za 2021.godinu***
 - d) Prijedlogom Programa uređenja i održavanja vodotoka i drugih voda, izgradnje, rekonstrukcije i održavanja vodnih objekata za 2021.godinu***
- usvojen je jednoglasno (25 glasova „ZA“)***

Ad.9. Prijedlog Zaključka o davanju saglasnosti na Program razvoja turizma za 2021.godinu

Izjavitelj – Armin Amidžić – v.d. direktor Turističke zajednice Grada Bihaća

Vijećnik Zulfikar Handukić –predsjednik Statutarne komisije

Pravni osnov za donošenje Prijedloga razvoja turizma na području Grada Bihać za 2020. godinu sadržan je u članu 12. stav (3) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj 8/11), kojim je propisano da u vlastite nadležnosti jedinice lokalne samouprave spadaju, između ostalog, donošenje programa i planova razvoja jedinica lokalne samouprave i stvaranje uvjeta za privredni razvoj i zapošljavanje, te članu 35. tačka h) Statuta Grada Bihaća („Službeni glasnik grada Bihaća“, broj 13/15 i 13/18) kojim je utvrđeno da Gradsko vijeće u okviru samoupravnog djelokruga donosi razvojne, prostorne i urbanističke planove i programe, te provedbene planove uključujući zoniranje. Komisija prosljeđuje predloženi materijal Gradskom vijeću, kako bi o istom obavilo raspravu i zauzelo konačan stav.

Vijećnica Lejla Bakrač – zamjenica predsjednika Komisije za finansije i budžet

Obzirom da se Program razvoja turizma na području grada Bihaća za 2021.godinu temelji na odobrenim sredstvima za ovu namjenu u Budžetu Grada Bihaća za 2021.godinu, Komisija prihvata i prosljeđuje predloženi materijal Gradskom vijeću radi obavljanja rasprave i zauzimanja konačnog stava.

Vijećnik Adnan Lipovača

U svojoj diskusiji, između ostalog, naglašava da su u toku predizborne kampanje zagovarali jednu afirmativnu reformu kad je u pitanju grana turizma. Na osnovu toga pokušali su kroz Europski fond aplicirati projekat i napraviti jednu od najmodernijih zgrada u centru

grada Bihaća, gdje se nalazi Turistička zajednica, pa smatra da će na tom projektu svi zajedno uspjeti. Zahvaljuje se Amiru Ramiću, bihaćkom arhitektu koji je odlučio da pomogne. Naglašava da podržava program razvoja turizma za 2021.godinu i smatra da su već zakasnili sa samom Odlukom, jer u vremenu pandemije ima dosta problema, ali cifra od 100.000 KM koja je predložena kroz Budžet grada Bihaća je suviše malena i da se ne može napraviti dosta ugledan projekat. Turistička zajednica će u naredno vrijeme puniti Budžet grada Bihaća, ukoliko budu prepoznati u svijetu turizma. Naglašava da se stavlja na raspolaganje razvoju turizma u gradu Bihaću, izražava žaljenje jer nema Nacionalnog parka u Budžetu grada Bihaća.

Nakon provedenih rasprava, predsjedavajući predloženi materijal daje na glasanje.

Prijedlog Zaključka o davanju saglasnosti na Program razvoja turizma za 2021.godinu usvojen je jednoglasno sa 22 glasa „ZA“

Ad.10. Prijedlog Zaključka o davanju saglasnosti na Odluku Skupštine JP „RTV Bihać“ d.o.o. Bihać o raspodjeli neto dobiti za 2019.godinu

Izvjestilac – Edin Zeljković, direktor JP“RTV Bihać“

Vijećnik Zulfikar Handukić – predsjednik Statutarne komisije

Pravni osnov za donošenje Zaključka o davanju saglasnosti na Odluku Skupštine JP „Radio-televizija Bihać“ d.o.o. Bihać o raspodjeli neto dobiti za 2019.godinu sadržan je u članu 27. stav (2), a u vezi sa članom 90. i 91. Statuta JP „Radio-televizija“ Bihać d.o.o. Bihać („Službeni glasnik Općine Bihać“ broj: 8/10 i 10/15), kojima je propisano da Skupština Društva ima nadležnost da odlučuje o usvajanju godišnjeg izvještaja o radu i poslovanju Društva koji uključuje finansijski izvještaj i izvještaj vanjskog revizora, izvještaj o radu Nadzornog odbora i Odbora za reviziju, uz saglasnost Osnivača, te da Odluku o raspodjeli dobiti donosi Skupština Društva, uz obrazložen prijedlog Uprave, i uz prethodno pribavljeno mišljenje Odbora za reviziju i Nadzornog odbora i članu 35. tačka kk) Statuta grada Bihaća („Službeni glasnik Grada Bihaća“ broj 13/15 i 13/18), kojim je propisano da Gradsko vijeće u okviru svoje nadležnosti donosi pojedinačne i druge akte iz samoupravnog djelokruga u skladu sa zakonom i Statutom Grada. Komisija prosljeđuje predloženi materijal Gradskom vijeću kako bi o istom obavilo raspravu i zauzelo konačan stav.

Vijećnica Lejla Bakrač – zamjenica predsjednika Komisije za finansije i budžet

Obzirom da je JP „RTV Bihać“ d.o.o. Bihać u finansijskim izvještajima za 2019.godinu ostvarilo neto dobit u iznosu od 1.176,00 KM, te da su Uprava i Skupština Preduzeća uz jednoglasno Mišljenje Odbora za reviziju i Nadzornog odbora, donijeli odluke o raspodjeli neto dobiti u skladu sa Statutom javnog preduzeća i zakonom, Komisija je

prihvatila prijedlog Zaključka i isti prosljeđuje Gradskom vijeću, kako bi obavilo raspravu i zauzelo konačni stav.

Kako nije bilo prijavljenih za raspravu, predsjedavajući predloženi materijal daje na glasanje.

Prijedlog Zaključka o davanju saglasnosti na Odluku Skupštine JP „RTV Bihać“ d.o.o. Bihać o raspodjeli neto dobiti za 2019.godinu usvojen je jednoglasno sa 23 glasa „ZA“

Ad.11. Trogodišnji plan JP „RTV Bihać“ d.o.o. Bihać za period od 2020. godine do 2022.godine.

Izjavitelj – Elvir Šehić – predsjednik Skupštine JP „RTV Bihać“ d.o.o. Bihać

Vijećnik Zulfikar Handukić –predsjednik Statutarne komisije

Pravni osnov za donošenje predloženog Plana poslovanja sadržan je u članu 27. stav (1) alineja 7) Statuta Javnog preduzeća „RTV Bihać“ d.o.o. Bihać – Prečišćeni tekst („Službeni glasnik Općine Bihać“ broj 8/10 i „Službeni glasnik Grada Bihaća“, broj 10/15), kojim je propisano da Skupština Društva ima, između ostalih, nadležnost da odlučuje o donošenju trogodišnjeg plana poslovanja odnosno revidiranog plana poslovanja u skladu s članom 23. Zakona o javnim preduzećima u Federaciji Bosne i Hercegovine, uz saglasnost osnivača, te članu 35. tačka kk) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga, između ostalog, donosi pojedinačne i druge akte iz samoupravnog djelokruga u skladu sa zakonom i Statutom. Nakon razmatranja predloženog materijala, Komisija je isti prihvatila i prosljeđuje ga Vijeću, na razmatranje i zauzimanje konačnog stava.

Vijećnica Lejla Bakrač –zamjenik predsjednika Komisije za finansije i budžet

Analizirajući dostavljeni Trogodišnji plan „RTV Bihać“, Komisija je mišljenja da je menadžment ove ustanove ponudio realan Plan.

Komisija je stava da predlagač navedenih materijala mora iznaći mogućnosti na poboljšanju vlastitih prihoda u odnosu na predhodni period, kako bi stvorili uvjete za kvalitetniji rad, a svakako je pohvalno da u Trogodišnjem planu imaju namjeru uložiti i u stručno obrazovanje i usavršavanje kadra. Komisija prosljeđuje predloženi materijal Gradskom vijeću, radi obavljanja rasprave i zauzimanja konačnog stava.

Vijećnik Elvedin Sedić

U svojoj diskusiji, između ostalog, smatra da zaključci sa tematske sjednice vezane za RTV Bihać, nisu mogli biti sadržani u ovom planu i programu, jer je isti urađen mnogo ranije. Želi da podsjeti da su u okviru tih zaključaka JP RTV Bihać dali u obavezu, a što nije sastavni dio ovog trogodišnjeg plana. Smatra da trebaju raditi na realizaciji tih zaključaka iako nisu dio trogodišnjeg plana iz razloga koji je naveo u diskusiji i da na taj način pokušaju

dijelove poslovanja RTV Bihać koji se odnose na mogućnost iznalaženja povećanja vlastitih prihoda poboljšati i na neki način da RTV Bihać sebe dovede u bolju poziciju da ne ovisi samo o grantu koji dolazi iz gradskog budžeta.

Izjavitelj – Edin Zeljković, direktor JP „RTV Bihać“ d.o.o. Bihać daje pojašnjenje

Nakon provedenih rasprava, predsjedavajući predloženi materijal daje na glasanje.

Trogodišnji plan JP „RTV Bihać“ d.o.o. Bihać za period od 2020. godine do 2022.godine usvojen je jednoglasno sa 25 glasova „ZA“

Ad.12. Prijedlog Zaključka o utvrđivanju vrijednosti obračunske jedinice-boda za obračun komunalne naknade za 2021.godinu

Izjavitelj – Vildana Zulić – pomoćnik gradonačelnika za strateško planiranje, upravljanje projektima, komunalne djelatnosti, vode i zaštitu okoliša

Vijećnik Zulfikar Handukić –predsjednik Statutarne komisije

Pravni osnov za donošenje Prijedloga Zaključka o utvrđivanju vrijednosti obračunske jedinice – boda za obračun komunalne naknade za 2021.godinu sadržan je u članu 47. Zakona o komunalnim djelatnostima („Službeni glasnik Unsko-sanskog kantona“ broj 4/11, 11/11, 6/12, 13/12, 14/17), kojim je propisano da se vrijednost obračunske jedinice – boda za obračun komunalne naknade određuje odlukom Općinskog vijeća, članu 15. stav (1) Odluke o komunalnoj naknadi („Službeni glasnik Grada Bihaća“, broj 13/18), kojim je utvrđeno da se vrijednost obračunske jedinice – boda za obračun komunalne naknade utvrđuje posebnim aktom Gradskog vijeća na osnovu Programa obavljanja komunalnih djelatnosti zajedničke komunalne potrošnje i članu 35. tačka c) Statuta Grada Bihaća („Službeni glasnik Grada Bihaća“, broj 13/15 i 13/18).Komisija prosljeđuje predloženi Zaključak Gradskom vijeću, kako bi o istom obavilo raspravu i zauzelo konačan stav.

Vijećnica Lejla Bakrač – zamjenica predsjednika Komisije za finansije i budžet

Nakon razmatranja predloženog materijala, te obzirom da vrijednost boda za obračun komunalne naknade predstavlja osnov za donošenje rješenja o komunalnoj naknadi za sve obveznike plaćanja komunalne naknade, odnosno ovisi realizacija Programa obavljanja djelatnosti zajedničke komunalne potrošnje za 2021.godinu, Komisija podržava i prosljeđuje predloženi Zaključak Gradskom vijeću, radi obavljanja rasprave i zauzimanja konačnog stava.

Kako nije bilo prijavljenih za raspravu, predsjedavajući predloženi materijal daje na glasanje.

Prijedlog Zaključka o utvrđivanju vrijednosti obračunske jedinice-boda za obračun komunalne naknade za 2021.godinu usvojen je jednoglasno sa 24 glasa „ZA“

Ad.13. Prijedlog Rješenja o konačnom imenovanju direktora Turističke zajednice Grada Bihaća

Izjavitelj – Sakib Alijagić, šef Odsjeka za privredu

Vijećnik Zulfikar Handukić –predsjednik Statutarne komisije

Pravni osnov za donošenje Rješenja o konačnom imenovanju direktora Turističke zajednice Grada Bihaća sadržan je u članu 12. stav (4) Statuta Turističke zajednice Grada Bihaća („Službeni glasnik Grada Bihaća“, broj 4/21), kojim je propisano da direktora Turističke zajednice imenuje i razrješava Gradsko vijeće, na prijedlog Nadzornog odbora u skladu sa Zakonom o ministarskim, vladinim i drugim imenovanjima u Federaciji BiH, te članu 35. tačka bb) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja u skladu sa zakonom. Komisija prosljeđuje predložene Rješenje Gradskom vijeću, radi obavljanja rasprave i zauzimanja konačnog stava.

Vijećnica Lejla Bakrač –zamjenica predsjednika Komisije za finansije i budžet

Nakon provedene rasprave, Komisija za finansije i budžet je prihvatila predloženo Rješenje, obzirom da su obezbijedena sredstva za njegovu realizaciju u Budžetu Turističke zajednice, te da je u cjelosti provedena propisana procedura za njegovo donošenje. Komisija prosljeđuje predloženi materijal Gradskom vijeću, radi obavljanja rasprave i zauzimanja konačnog stava.

Vijećnik Hasan Babić –predsjednik Komisije za izbor i imenovanje

Obzirom da je Komisija za provođenje izbora u regulirane organe Grada Bihaća u cijelosti provela proceduru po objavljenom Javnom konkursu za izbor direktora Turističke zajednice Grada Bihaća, Komisija za izbor i imenovanje prihvatila je predloženo Rješenje, te isto prosljeđuje Gradskom vijeću kako bi obavilo raspravu i zauzelo konačan stav.

Vijećnik Armin Amidžić

U svojoj diskusiji vijećnik, između ostalog, smatra da je važno da se obrati za govornicom iz razloga da upozna vijećnike sa genezom kako je došlo do imenovanja njega kao v.d. direktora i zašto je v.d. direktor Turističke zajednice 2 godine i 6 mjeseci. Naglašava da Turistička zajednica nije postojala do polovine prošlog mandata i onda je Gradsko vijeće donijelo odluku o osnivanju Turističke zajednice i pod tim osnivanjem imenovan je odlukom Gradonačelnika da taj novoformirani subjekat upiše u sudski registar i da obavi sve pripremne radnje kako bi ta Turistička zajednica mogla poslovati na tržištu. Naglašava da je tada problem bio vrlo loš Zakon o turizmu koji u suštini nije bio primjenjiv u praksi i nisu imali mogućnost naplate vlastitih prihoda i upravo je smisao osnivanja Turističke zajednice bio da uspiju i mogu naplaćivati boravišne takse kao jedan od prihoda koji pripada po svakom gostu koji dolazi u našu destinaciju koji se mora striktno uložiti u razvoj destinacije i tada je odluka Gradonačelnika bila da se ne ide u imenovanje direktora dok se ne steknu uvjeti za naplatu boravišne takse, kako bi Turistička zajednica imala vlastite prihode. Naglašava da je tom odlukom nakon 3 mjeseca, pripremio sve pripadajuće akte koji su bili potrebni Turističkoj zajednici, te je imenovan 01.09.2018.godine, nakon što je sklopio menadžerski ugovor sa tadašnjim Nadzornim odborom i od tada do danas obavljao je ovaj posao za mjesečnu naknadnu od 700 KM. Naglašava da nije bio u stalnom radnom odnosu, bio je djelomično na birou djelomično samozaposlen ovisno kako je to bilo u kojem trenutku. Sa lobiranjem

izmjene Zakona o turizmu na nivou kantona su nakon 2 godine uspjeti. Naglašava da se išlo u kreiranje jednog novog zakona o turizmu i on je bio član te radne grupe, te je zakon stupio na snagu u novembru, kada su teoretski dobili mogućnost da vrše naplatu prihoda od boravišne takse, te je stav osnivača Turističke zajednice da neko treba biti stalno uposlen na toj poziciji. Ističe da je važno da kolege vijećnici znaju da je tu funkciju obavljao 2 godine i 6 mjeseci ali da je bio posvećen maksimalno i van standardnog radnog vremena. Izborili su se za vlastite prihode, iako i poslije šest mjeseci, još dan danas vode bitku sa ministarstvom privrede USK da uplati 6000 KM, kako bi omogućili softver za prijavu i odjavu turista i kako bi dobili naplatu takse. Ističe da je puno rada i truda uloženo u te 2 i pol godine jer nije došao motivom da samo sjedi i da godine prolaze nego motivom da unapredi našu destinaciju i ostavi nešto iza sebe, odnosno da postavi temelje jedne turističke zajednice koja je kako smatra jedna od jačih Turističkih zajednica u BiH. Naglašava s obzirom kako se provlačila teza o sukobu interesa, da sebi nikad ne bi dopustio da bude u sukobu interesa jer ne vidi nikakvu beneficiju koju bi mogao dobiti ovom funkcijom, te najavljuje, ukoliko ga vijećnici podrže da će u narednih nekoliko sjednica podnijeti ostavku na funkciji gradskog vijećnika.

Vijećnica Šeherzada Delić

Između ostalog, čestita vijećniku Amidžić Arminu, te postavlja pitanje izvjestiocu kako je moguće da se samo jedan čovjek prijavio na konkurs, da li je zaista bio samo jedan čovjek ili je to išlo nekako drugačije?

Vijećnik Alen Zulić

U svojoj diskusiji vijećnik, između ostalog, izražava svoju punu podršku i pohvale ka vijećniku Amidžić Arminu.

Vijećnik Emir Mujadžić

U svojoj diskusiji vijećnik, između ostalog, naglašava da je turizam jedna teška branša i čestita na hrabrosti i volji vijećnika Amidžića i smatra da mu treba pomoći u daljnjem radu.

Izjavitelj – Sakib Alijagić, odgovara na pitanje

Ističe da je konkursna procedura provedena u skladu sa zakonom tako da je predmetni javni konkurs objavljen u jednom dnevnom listu „Oslobođenje“ te obzirom da je bio javan imali su priliku svi kandidati koji su ispunjavali uslove da se prijave ali se prijavio jedan kandidat, te je komisija provela konkursnu proceduru i dostavila svoju preporuku koja se putem Nadzornog odbora našla na sjednici Gradskog vijeća kao prijedlog za razmatranje.

Nakon provedenih rasprava, predsjedavajući predloženi materijal daje na glasanje.

Prijedlog Rješenja o konačnom imenovanju direktora Turističke zajednice Grada Bihaća je usvojen sa 25 glasova „ZA“ nitko „PROTIV“ i 1 glas „SUZDRŽAN“

Nakon iscrpljenog dnevnog reda predsjedavajući zaključuje 8. (osmu) sjednicu Gradskog vijeća i konstatira da je sjednica završena u 16 sati i 23 minute.

Predsjedavajući Gradskog vijeća
Zulfikar Handukić